

Ad Augendum Opificis Nostri Gloriam Promovendum Proximi Emolumentum Comparandum sui ipsius Notatiam & sic Sobrie Philosophandum! Anatomen in Nobilioris Sexus Subjecto publice se adornaturum esse indicat Et Ad Demonstrationes hodie & per subsequentes Dies instituendas Omnes quotqvot Sacris hisce favent & ornamento sunt Singulatim Magnificum Dominum Rectorem Excellentissimum & Amplissimum utriusqve Reipublicæ Senatam Omnes Omniumqvè Ordinum Cives Academicos docendi dilcendi gloria Fulgidissimos Florentissimos, ... invitat Georgiius Detharding. Georg. fil. & Nep. Med. D. & Anatomiae Professor Publicus Facultat. Medic. h. t. Decanus

Rostochi[i]: Schwiegerau, [1701]

<http://purl.uni-rostock.de/rosdok/ppn791009203>

Druck Freier  Zugang



Leges etc
Academiae Rostochiensis

Universitäts-Archiv
Rostock, Sign. ~~RIA 4~~

RIA 4

N. l. — 47. ^{1-69.}

13
G. D. S. P.

Ad

AUGENDUM OPIFICIS NOSTRI GLORIAM

Promovendum Proximi Emolumentum

Comparandum sui ipsius Notitiam

& sic

SOBRIE PHILOSOPHANDUM!

ANATOMEN

in

NOBILIORIS SEXUS SUBJECTO

publice se adornaturum esse

indicat

ET AD

DEMONSTRATIONES

hodie & per subsequentes Dies instituendas

Omnes quotqvot Sacris hisce favent

& ornamento sunt

Singulatim

MAGNIFICUM DOMINUM RECTOREM

Excellentissimum & Amplissimum utriusque

REIPUBLICÆ SENATUM,

Omnes Omniumqve Ordinum Cives Academicos

docendi discendi gloria Fulgidissimos

Florentissimos,

Summa Observantia & quâ decet Humanitate suo SUEQVE

FACULTATIS Nomine

UT DECENTER CONFLUANT

invitat

GEORGIUS DETHARDING.

Georg. fil. & Nep.

Med. D. & Anatomix Professor Publicus

FACULTAT. MEDIC. h. t.

DECANUS.



ROSTOCHI,

Typis NICOLAI SCHWIEGEROVII, Ampliss. Senat.

Typogr.



6. 11 Oct. 701



Vam scientiæ & artes, prout corpora, continuam exercere coguntur Metamorphosin, (non sine instabilis vicissitudinis omnium rerum argumento) eandem & Ars secandi corpora humana Anatomia, quæ vulgo audit, subire tenetur; ita enim ex Democriti puteo emergens, si non denuo, ubi vix lucem vidit cum suis Fautoribus eandem Abyssum repetit, cum obscura ignorantia & inevitabili obtreptione semper habet certandum. Non unam hujus rei dixeris causam cum culpa nunc in tempora nunc in ipsos Artifices seu quos tales esse decet, redundet. Antiquissimis sane temporibus quando omnia quæ in auxilium venire poterant sub nube latitabant densissima, Naturam se Mystis suis explicuisse nec cogitandum quidem est, & laudabiles satis Hippocratis, Democriti, aliorumve labores, qui in rimandis brutorum extis seduli impertiebantur inde excusationem quandam merentur, si non omne illorum studium atque opera omnis in Cadaveribus humanis eviscerandis collocata fuerit. Admiratione alii afficiuntur, quod Philosophorum Principis Titulo *ἰατρικῆς* clarus, licet natura usuque callidus brutorum exta sagaciter peruestigaverit, immanes pecuniæ, cæteraque omnia adjumenta a Rege & Discipulo suo plus quam Regiâ munificentiam suppeditata ipsi fuerint, non tamen animalium sapientissimum ac fabricæ suæ arteificio omnia alia superans inciderit humanique corporis, si partes internas & in ipso delitescens spectes, non adeo insignem notitiam sibi comparaverit. Huic quippe tribuendum, quando nobilissimum & structura elegantissimum corpus ex abjectis diversique generis animalibus fuit doctum, & quod ob perfectionem maximam regula est imperfectionis, ex imperfectione applausum accepit. Fateor equidem Herophili ac Erasistrati ardore & nisu (primi etenim quantum constat fuerunt, qui religiosum nefas secare Cadaver humanum solverunt intrepida manu) stamina illa adolevisse, dum per sectionis artificium in hominem inquirendo Latrones morti addictos sive nocentes homines à Regibus ex carcere arreptos (modo vera sint Celsi de illis verba) Vivos inciderunt & ex Tertulliani relatione ille septingentos (volunt alii sexcentos) exsecuit ut naturam scrutaretur; hic Aristotelis Neptos sævitæ suæ, ut tum temporis audiebat, plura in libris reliquit testimonia: Spes ingens erat studium hoc adeo salutare pluribus fore arrisurum, cum ex eo non pauca his Præsidibus in Artis Asclepiadeæ Scholas, sed & in utilitatem publicam manarent comoda. Ast! quod dolendum voluntaria quasi oblivione iterum contrita stamina sunt, & cum ipsis Authoribus denuo sepulta nec Galeni accessu restaurata. Tantum enim adest ab hoc antiquum honorem Anatomiam redditum esse, licet ardorem, qui resederat, Marini Præceptoris vestigia excitare & innovare poterant, ut in Zootomia quamvis, & simiarum præsertim porcorum aliorumve animantium ruspatione laudem haud levem sibi comparaverit haud tamen ad exemplum Antecessorum sectioni Cadaverum humanorum manum comodaverit, cupidine doctis insultandi nimium paulo flagrans. Propter illud vero vel maxime in tantam vituperationem venit, quod passim in libris suis Medico futuro & qui circa humanum corpus aliquando versari cupit commendet, partium omnium sigillatim magnitudinem, figuram, numerum, situm accurato ut studio cognoscat, ne aliqua in parte errorem insignem admittat, vel turpiter se det, aut Ægro imprudens afferat exitium, notitiam vero illam neminem nisi ex dissolutione & dissectione consequi posse optime moneat, ipse tamen cotis magis vicem sustinere quam secare voluerit. Scripta tamen sua per multa Secula norma fuerunt regula, & Cynosura rerum ut Medicarum sic maxime Anatomicarum & Medici Græciæ in Galenum suffulti nil præter hunc scire vel ultra illum sapere affectaverunt. Manibus cultellisve ergo summa data pax est summa tranquillitas, quæ in dubium venire poterant solvebantur ex Galeno & pro ratione stabat Authoritas. Exitialis hæc fascinatio comitabatur Anatomiam, quando ad Arabes vadebat, nec unicum enim corpus humanum sollicitare cultris, in animum suum induxerunt, sufficere judicantes & pro informatione necessaria scripta Galeni & pro dirimendis controversiis fidem Galeni, nisi quod in suppetis quandoque veniret Aristotelis, de quo antea, Axioma. Desine hinc mirari Lector, unde tam manca manserit & rudis Anatomia apud Medicos Latino Barbaros, (his quippe ab illis tradebatur ea) maxime in Italia & Gallia degentes & horum de Anatomia conscriptos Libros paucos equidem ut certissima allegati defectus Testimonia, numero librorum tuorum adscribe; præprimis cum attestentur quam gloriosum

sum, quam honorificum, quam Heroicum temporibus illis fuerit iudicatum, cum Galeno errare nec cum aliis recte sentientibus facere. Rebus ergo sic stantibus quis non pronunciaret actum fuisse de elegantissimo & firmissimo Medicinæ fulcro quod non modo ruinam minitabatur sed lapsui vicinum erat, nisi ex Germania Litteratorum & Heroum Eqvo Trojano tandem cordatus surrexisset Vir juvenis, arcano scientiæ naturalis irritamento agitatus, cui nullius autoritas horrorem injicere poterat nec iudicia deterrere rectius præiudicia valebant à rerum imperitis & ad servitutem nactis Præceptoribus tribui solita. Andream volo ex Ducatu Clivenfi ejusque urbe sat celebri Vesalia oriundum, quem inde Vesalium more tunc temporis recepto hodiernumve Italis familiari dixere. Hujus erat Symbolum, Non Lætionem non Scripturam sed Sectionibus rimandam esse & quærendam humani corporis structuram. Huic ossa in Cœmeteriis multis horis versare jucundum, iudicibus molestum esse ut hoc vel illo supplicio homines necare curent sive, morbi mortisque reos ex intimis visceribus in apricum producere gaudium, & omnem in discessionem cadaverum operam impendere Oleumque non minus utile quam voluptuosum fuit. Haut immerito ergo palmam dubiam fecit, an Spartæ sibi a Venetis oblata (primus enim omnium fuit in tota Europa, qui Anatomiam Professionem sustinuit, & cui ætatis suæ 25. Anno in Patavina Academia fuit præfectus) non magis honoris ex Vesalio accesserit, quam honorificum illud munus Vesalium ornaverit. Hoc certissimum, hujus præsidio est profunda Voragine emeruisse Anatomiam & caput erexisse cum ipse quæ oculi viderant Chartæ communicare consultum duceret, & discipuli ejus, qui Magistrum nactum erant ad illam rem improbum manu ductione adeo vivæ obtemperando manus oculatas nudæ autoritati & speculationi anteferrent. Undique sic communi studio certatim hoc scientiæ genus fuit excultum, multum pecuniæ in cotibus & cultris redimendis impensum & cum tanto fervore hoc negotium ubique susceptum est ut perpauca Medicorum ea in parte minimi haberi velle visi fuerint, sed eorum plurimi in hanc quasi Palæstram vocati acerrime dimicaverint pro consequenda Laurea. Infinitum foret eos nominare & Germanorum, Belgarum, Gallorum, Italarum, Anglorum, Danorum, Svecorum, merita in rem Anatomicam dignis Encomiis exponere tantus illorum numerus, tanta illorum fama; Utrumque curiosiores ex delicatissimis ingeniorum suorum partibus qui perpetuam existimationis fidem quam commodissime in futura Secula serviant, addiscere poterunt. Non est ergo ut metuamus facile abitum esse elegantissimam hanc artem paraturum, quia non modo a tot viris exculta & dixerim ferme ad summum fastigium producta est, sed perennitati quoque typis & æri quam firmissime commendata; aliunde est, ut idem quod olim illam pressit metuamus fatum. Non ad illorum scommata animum intendo quibus encheireses Anatomicorum crudelitas, sordities vocantur, discindere, efringere corpora pulcherrima, delectari intuitu manantium cruore viscerum, & quæ abstrusa voluit non cæco natura decreto omnibus detegere, temere producere, & sine fronte nudare, negotium vulturibus potius, Leonibus, Ursis conveniens: Omitto ista quia ea in parte, si cum illis certandum esset, non tam mihi in arenam, quam sterquilinum descendendum, ubi contractas sordes victoria non compenset; non alio utique nomine crudelitatis notam incurrunt profectricis artis Amasii, quam statuario alicui aut scriniario illam inusseris, quando vel in lapides ille, vel ligna dolabellas suas, fascias & quæ sunt alia ipsi instrumenta immittit; Nec curo deliramenta istorum qui abstinendum esse exercitio illo inque pristinae crudelitatis fructu acquiescendum volunt, in Cadavere nil præter mortem quæri, vitalem præ locali Anatomia esse amplectendam, frustra in flaminibus exsiccatis aquarum fluctus quæri; quippe intelligendo hi faciunt, ut nihil intelligant & vagum scientiæ Medicæ Pelagus se sine Magnete meare ac permeare posse nimis audacter confidunt. O! quam de his & omnibus Anatomico-Mastygibus Anatomia Neglecta per totam vitam vindictam sumit, quando ad lectum vocati de subjecto morbi nil plane sciunt, de idea morbi cespitant, & qui Ægrorum restauratores esse debebant, fiunt vivorum occisores. Defectus est corporum humanorum Anatomiam subjiciendorum, qui me angit, & de quo Germania habet quod conqueratur, suo quippe damno cæteris regionibus Europæ cedere cogitur, quæ in aliis disciplinis multis modis illas superat. Nescio quid teneros adeo Magnatum & illorum qui Academiis præsunt fascinaverit oculos, ut qui in aliis rebus necessariis Academiis subministrandis Argi, in hoc defectu detegendo &

& supplendo caliginem quendam patiantur. Ipsi satis intelligunt quantum Reipublicæ interfit Medicos habere artis suæ gnaros nec de medijs ad finem hunc ducentibus serio cogitare & aliquid statuere in animum inducunt. Nolo Anatomiam necessariam Medico cognitionem multis verborum lenocinijs demonstrare, nec huic vino vendibili hæderam appendere, ignorare viderer prætium temporis & illud laudare aggrederer, quod omne laude majus nemo sobrius unquam carpere ausus fuit. Non possum tamen quin de eo admoneam Academicarum Nutritios, cogitent rogo, cum non omnibus, paucissimis tantum, peregrinas adire oras illicque creberrimis interesse Philotomorum laboribus concessum sit, illi quibus nervi rerum à fortuna cum natura propitia non sunt concessi, quando fulcro tanto se carere debere intelligunt, susceptum jamdum in arte Medica laborem deplorare, Telam inceptam proprio cum damno abrumpere coguntur, & ex genuinis artis filiis nunc in Spurijs medicastrofatis, nunc defunctorie studia sua absolvendo inter cæcos luscii regnant. Annon hi ipsi (reliqua ex illis in rem publicam manantia incommoda fileo) officiis admoti, si quando commoda sese offert occasio saniori huic Philosophiæ promovendæ grata, tam laudabili huic instituto quantum poterunt omne impedimentum ponent ne incitiam & imperitiam suam dum salutarem hanc generi humano operam in se suscipere debent ad instar soricis prodant? sic denuo abjecto cultro aliorum experientia vivitur, præconceptæ opinionis vis primas tenet, quæ itur cæcorum in morem pergendum, paucis ars egregia hæc denuo vilescit, negligitur, & perit. Persequi hæc chartæ præsentis ratio vetat, in quo eo facilius obtempero, ut intimare non sine animi gaudio publicè queam, discussam illam esse caliginem, cessare in nostra Alma fata illa Anatomiam funesta & sub novo & aucto Augusti Nostri FRIDERICI WILHELMI Serenissimi Patriæ Patris, Celsissimi nostri Principis, Nutricii nostri Magnificentissimi, & Domini Clementissimi Regimine novum lumen huic studio apparuisse & novam facem illi fuisse accensam. Semper quidem & fovet terram & recreat Sol, sed cum evehctus in gradum altissimum est, solstitiique tenet metam tum Potentissimos radios spargit maturatque ac perficit omnia quæ vel florebant antea in culmo vel in arista flavescabant per campos, vel in arboribus rubebant sive. Perinde hic PRINCEPS noster, cui ut salva ac integra Academicæ jura, ut privilegia docentium publice facta tætaque manerent, ut ærarii instaurarentur ruinae, quæ possent, stipendiaque Nobis procederent rursus, nunquam non cordi fuit, in tantum levatus fastigium jam instar animæ per artus omnes infusæ sivevissime totius nostræ Academicæ molem agitatur & quæ molesta esse possunt provide arcet, quæ in commodum vergere & salutem, Clementissime promovet: Maxime hinc & Ordo Medicus habet de quo sibi gratulari & gaudere queat. Illustre MONARCHÆ nostri & infallibile clementiæ suæ testimonium est, quod captantibus nobis non ita pridem occasionem quæ defectum hujus exercitii nobilissimi submissa animi reverentia ostenderemus & restaurationem ejusdem devotissime sollicitarem, desiderijs nostris annuit, & obsidis quasi loco Virum Violento fato extinctum & publico supplicio afflictum exercitiis nostris Anatomicis Benignissime concessit. Ad ea ergo Spectacula his diebus adornanda V. O. O. H. ut frequenter conflatis non adeo mea invitatio, cui hæc Sparta concessa est, sed tanta Principis nostri Clementia vocat imo jubet; & prout DEum Fabricatorem nostrum Sapientissimum supplici voce rogo Conatibus nostris in studio hoc æque difficili ac laborioso adesse velit; Sic *Magnificum Dn. Rectorem utriusque Academicæ & Urbicæ Civitatis Senatam Amplissimum* Ceterosque in iis omnium ordinum Cives Eruditione ac dignitate sua conspicuos veluti Hospites Honoratissimos, Gratissimos, Officiosissimos, quibus decet, verbis tum meo tum Amplissimæ Facultatis Medicæ nomine Spectatum invitatos esse cupio, Nobilissimos vero Cives nostros rogatos volo, ne recepto in Academicis & nostra more ad refundendos in otia hæc sacra impensos sumtus privatim apud me nomina sua profiteri, tesseramque pro admissione quotidie ostendendam legitime comparare graventur, pro utroque favore diligentiam meam, officia mea & quæ a me expectare poterunt promptissime vobis spondeo & lego. Agite ergo & Spectatum accurrite.


DEMONSTRATIONES HABEBUNTUR HORA IIIDA POMERIDIANA


in Auditorio, ut audit, Philosophico.

TESSERA ANATOMICA:

SOBRIE PHILOSOPHANDUM!

P. P. Sub Sigillo Facult. Medicæ, d. XI. Octobr. A. MDCCI.






IV. Qui cantitantes vel vociferantes per plateas vagantur, vel in diuerforiis publicis, immo & in tricliniis priuatis aera concentibus implent, prima quidem vice noxam octo dierum carcere, & commensalis communis insuper unius mensis carentia, luent. Quod si post hanc correctionem incorrigibiles se prodant, consilio abeundi, necessitas emigrandi eis imponetur.

V. Eidem poenae obnoxio cogunt, vel per ambages ad conuiuia veteranis parandum, quo aduentur, sed prauis quoque sodalitatibus, qui sumtu nouitii epulati sunt, buntur, iis, qui mensa communi ab isto beneficio excludendis, inebriationes & tande oriundacacius impediuntur, abhinc pl

VI. Poenae legum tractata a Rectore & Concilio nec mino remittendae, sed ad tenore ne executioni mandandae erunt.

VII. Nocturnos strepibus incolarum vel personae & clamores inconditos vel hibuerunt: ita earum violat securitatis nocturnae & tran custodiae militari tradentur Rector Academiae vel de e



acade-